


Bruceloza kod ljudi je veoma teško zarazno sistemsko oboljenje koje u početku nema tipične simptome, počinje



postepeno; liči na virozu ili gripu, a najčešće se javlja oscilirajuća temperatura koja noću raste, javlja se profuzno znojenje noću, glavobolja, gubitak apetita,

bolovi u zglobovima i mišićima slični reumatizmu, otoci zglobova, upala testisa, mršavljenje.



To je veoma opasna bolest za ljude i ako se ne liječi može imati smrtni ishod. Ostavlja trajne lakše i teže posljedice.

Dijagnozu je teško postaviti samo na osnovu kliničke slike, pogotovo na početku bolesti. Zbog toga je obavezno vršiti Laboratorijsko ispitivanje krvi.



POSLEDICE KASNOG OTKRIVANJA BRUCELOZE



ZAŠTITITE SVOJE I ZDRAVLJE OSTALIH STANOVNIKA REGIJE PROVOĐENJEM I PRIDRŽAVANJEM UPUTSTAVA I MJERA ZAŠTITE

- **OBAVEZNO PRATI RUKE TOPLOM VODOM I SAPUNOM PRIJE UPOTREBE BILO KOJE HRANE**
- **UPOTREBLJAVATI SAMO KUHANJEM (TERMIČKI) OBRAĐENO MLIJEKO I MESO, TE PROIZVODE OD TAKVOG MLIJEKA I MESA**
- **ZAŠTITITI HRANU OD DODIRA MIŠOLIKIH GLODARA I MUHA.**
- **POSEBNU PAŽNJU OBRATITI PRI BORAVKU NA OTVORENIM IZLETIŠTIMA.**
- **PRI UZGOJU OVACA I KOZA OBAVEZNO SE ZAŠTITI ZAŠTITNOM OPREMOM (ČIZME, RUKAVICE, MANTILI I MASKE PRI RADU U ŠTALI).**

ZAŠTITA OD BRUCELOZE POSTOJI!



KANTONALNI ZAVOD
ZA JAVNO ZDRAVSTVO
ZENICA



KANTONALNI ZAVOD
ZA JAVNO ZDRAVSTVO
ZENICA

ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU


Telefon: (032)200-460

BRUCELOZA

BRUCELOZA UGROŽAVA NE SAMO ZDRAVLJE LJUDI I ŽIVOTINJA VEĆ I EKONOMSKI STATUS ZAJEDNICE!

ZAŠTITI SE OD BRUCELOZE!

Bruceloza je zarazno sistemsko oboljenje životinja i ljudi. Prenosi se sa zaraženih ovaca, koza i goveda na ljude putem direktnog kontakta, posteljicom poslije janjenja i pobačaja, sa krvlju, uginulim plodom ovaca i koza, plodovom vodom, i konzumiranjem tj. upotrebom nekuhanog ili nepasterizovanog mlijeka i proizvoda od takvog mlijeka.



BRUCELOZA KOD ŽIVOTINJA



Od bruceloze oboljeva sve veći broj ovaca i koza, a posljedično oboljeva i sve veći broj ljudi. Svakodnevno se povećava broj oboljelih i broj novootkrivenih žarišta.

Ugroženi su svi: stočari, osobe koje rade na uzgoju ovaca i koza, veterinari, i potrošači koji upotrebljavaju neprokuhano ili nepasterizovano mlijeko, mliječne proizvode od takvog mlijeka i termički(kuhanjem) neobrađeno meso.

Od bruceloze najčešće oboljevaju goveda (B. abortus), ovce i koze (B. melitensis), svinje (B. suis) i psi (B. canis), dok je kod ljudi najčešća infekcija s B. melitensis.


Bolest se u stadu širi izravnim kontaktom, udisajem, i spolnim aktom. Životinje mogu mjesecima i godinama izlučivati uzročnike u mlijeku i drugim ekskretima.



KAKO PREPOZNATI BOLEST

Prvi pokazatelji da su životinje zarazene brucelozom su pobačaji i upale testisa, ali su znakovi bolesti nespecifični i teško se utvrđuju na osnovu kliničke slike te je neophodan serološki pregled krvi stoke na ugroženim područjima.

Pobačeni plod posteljica i tekućina iz materice sadrže veliku količinu bakterija koje se dugo zadržavaju u vlažnoj zemlji te dolazi do širenja zaraze u stadu preko probavnog trakta zaražene životinje.



Vlasnik je dužan, bez odlaganja, izvijestiti veterinarsku organizaciju o svakoj promjeni zdravstvenog stanja životinja na posjedu i obavezno prijaviti svaki pobačaj životinja.



Bakterija bruceloze se obično prenosi na ljude direktnim kontaktom sa inficiranim životinjama na farmi.

Organi za varenje

ADAM.

KAKO SPRIJEČITI ŠIRENJE BOLESTI

OSNOVNI ZADACI U ZAŠTITI OD BRUCELOZE

- Ukloniti izvor zaraze (zaražene ovce, koze i goveda) pronalaženjem tj. ispitivanjem (testiranjem) krvi svih ovaca, koza i goveda na zaraženim područjima i neškodljivim uklanjanjem ovaca i koza kod kojih je dijagnostički utvrđena zaraza.
- Bespriječna saradnja sa veterinarskom službom, inspekcijskim službama, policijom, civilnom zaštitom, zavodom za javno zdravstvo (tj. zdravstvenom službom)
- Pri uzgoju ovaca i koza obavezno se zaštititi zaštitnom opremom (čizme, rukavice, mantili i maske pri radu u štali).
- Za ishranu koristiti samo kuhano mlijeko i proizvode od kuhanog i pasterizovanog mlijeka i kuhano meso, obzirom da su mlijeko i mliječni proizvodi glavni putevi prenošenja bruceloze kod ljudi.
- Obavezna dezinfekcija štala.
- Nakon kontakta sa životinjama obavezno pranje ruku sa toplom vodom i sapunom.
- Iskorijenjivanjem bruceloze kod životinja eliminisati će se bolest kod ljudi

Širenju zaraze sa jednog na drugo područje doprinosi trgovina životinjama i proizvodima od životinja bez veterinarskog i drugog nadzora.

U interesu svih nas je da se spriječi širenje bruceloze među životinjama i zaražavanje ljudi jer potpuno suzbijanje bruceloze kod ljudi bazira se na eliminaciji ovog oboljenja kod domaćih životinja.